

# ANG SIMPLE NGA PLANO SA KALUWASAN SA DIYOS GIKAN KANG HUWAN



**Ngano si Hesus namatay?**

## 1. Natural sa tawo ang pagkadautan (pagkasala).

John 3:19 Ug kini mao ang paghukom sa silot; nga ang kahayag mianhi sa kalibutan, ug ang mga tawo nahigugma sa kangitngit labi kay sa kahayag; kay ang ilang mga buhat mga dautan.

Roma 3:23 Kay ang tanan nanagpakasala, ug nawad-an sa himaya sa Dios;



**Makasasala kitang tanan!**

## 2. Diha nianang natural ta nga kondisyon kita ginahukman na.

John 6:40 Kay kini mao ang kabubut-on sa akong Amahan, nga ang tagsatagsa nga makakita sa Anak, ug motoo kaniya, may kinabuhi nga walay katapusan, ug pagabanhawon ko siya sa katapusan nga adlaw.

John 3:18 Ang motoo kaniya dili hinukman sa silot; apan ang dili motoo kaniya ginahukman na sa silot, kay siya wala motoo sa ngalan sa bugtong nga Anak sa Dios.

John 3:36 Ang motoo sa Anak may kinabuhi nga walay katapusan, apan ang dili magatuman sa Anak dili makakaplag sa kinabuhi, kondili ang kaligutgut sa Dios pabilin sa ibabaw niya.



**Adunay kabayaran ang sala!**

### **3. Mianhi si Hesus sa kalibutan ug nagpakamatay para kanato.**

John 14:6 Si Jesus miingon kaniya: Ako mao ang dalan, ug ang kamatuoran, ug ang kinabuhi; walay bisan kinsa nga makaabut sa Amahan kondili pinaagi kanako.

John 3:17 Kay ang Dios wala magpaanhi sa iyang Anak sa kalibutan aron sa paghukom sa silot sa kalibutan, kondili aron ang kalibutan maluwas tungod kaniya.

John 1:10,12 Dinhi siya sa kalibutan, ug ang kalibutan gibuhat niya, ug ang kalibutan wala moila kaniya. Apan sa tanan nga nanagdawat kaniya, kanila naghatag siya sa katungod sa pagkahimong mga anak sa Dios, kanila nga nanagtoo sa iyang ngalan:

### **4. Ang Kaluwasan usa ka libre nga gasa, dili sa maayo ta nga buhat. Tuohi ang unsa man ang gisulti sumala sa pulong sa Ginoo, ug saligi si Hesus lamang!**

Acts 4:12 Ug diha sa lain walay kaluwasan gikan kang bisan kinsa, kay walay lain nga ngalan sa ilalum sa langit, nga nahatag sa taliwala sa mga tawo, nga diha kaniya mangaluwas kita.

Ephesians 2:8-9 Kay tungod sa gracia naluwas kamo pinaagi sa pagtoo, ug kana dili gikan sa inyong kaugalingon; kini hatag sa Dios: Dili tungod sa mga buhat, aron walay bisan kinsa nga mangandak.

Titus 3:5 Dili gikan sa mga buhat sa pagkamatarung nga atong ginapamuhat, kondili sumala sa iyang kalooy, giluwat kita niya pinaagi sa paghugas sa bag-o nga pagkatawo, ug sa pagbag-o sa Espiritu Santo;

## 5. Magatoo ka sa Ginoong Hesus ug makaangkon ka ug kinabuhing dayon!

John 5:24 Sa pagkamatuod, sa pagkamatuod, nagaingon ako kaninyo: Ang nagapatalinghug sa akong pulong ug nagatoo kaniya nga nagsugo kanako, may kinabuhi nga walay katapusan, ug dili pagahukman sa silot, kondili miagi na gikan sa kamatayon ngadto sa kinabuhi.

John 6:47 Sa pagkamatuod, sa pagkamatuod, nagaingon ako kaninyo: Ang motoo may kinabuhi nga walay katapusan.

John 10:28 Ug ako nagahatag kanila sa kinabuhi nga walay katapusan; ug sila dili na gayud mawala, ug walay bisan kinsa nga makaagaw kanila sa akong kamot.



*Kung buot ikaw nga modawat kang Kristo Hesus nga imong Manluluwas, Ania ang alampoon. Ang pag ampo niini o bisan unsa man nga alampoon dili makaluwas kanimo. Ang pagsalig lamang kang HesuKristo ang makahatag ug kapasayloan sa sala. Kini nga pag ampo mao ang simple nga pamaagi para nimo masugid ang imong pagtoo kaniya ug pagpasalamat kaniya sa paghatag kanimo sa kapasayloan..*

**"Ginoo,**

**Ako nasayod nga ako nakasala batok kanimo ug angayan nga pagasilutan sa impierno. Apan gikuha ni HesuKristo ang silot nga para kanako ug pinaagi sa pagtoo kaniya ako makabaton ug kapasayloan. Gibutang ko diha kanimo ang pagsalig para sa akong kaluwasan. Nagahinulsol ako sa akong mga sala ug ako nagahangyo sa imong pagpasaylo kanako, Amen!"**